

Na osnovu člana 16. stav 1. i člana 17. stav 2. Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 29. Zakona o izvršenju Budžeta Hercegovačko-neretvanskog kantona za 2010. godinu („Službene novine HNK“, broj: 2/10), Vlada Hercegovačko-neretvanskog kantona je, na nastavku 53. sjednice, održanom 25.5.2010. godine, donijela

**ODLUKU**  
**O USVAJANJU PROGRAMA UTROŠKA SREDSTAVA**  
**S KRITERIJIMA RASPODJELE MINISTARSTVA PRIVREDE**  
**S POZICIJE "TRANSFER ZA POTICAJ RAZVOJA, PODUZETNIŠTVA I OBRTA"**  
**UTVRĐENOG BUDŽETOM HNK ZA 2010. GODINU**

**I**

Usvaja se Program utroška sredstava s kriterijima raspodjele s pozicije „Transfer za poticaj razvoja, poduzetništva i obrta“ Ministarstva privrede, organizaciona jedinica 36010003, ekonomski kod 614900 TAT001, utvrđenog Budžetom Hercegovačko-neretvanskog kantona za 2010.godinu („Službene novine HNK“, broj: 2/10), u iznosu od 200.000,00 KM (slovima: dvjestohiljada KM).

Sredstva za realizaciju Programa iz stava 1. ove tačke, s nazivima programa iz tačke II ove Odluke, u ukupnom iznosu od 200.000,00 KM (slovima: dvjestohiljada KM), isplatit će se korisnicima sredstava pod 1.1. tačke II ove Odluke, kao grant sredstva, a sredstva pod 1.2. tačke II, kao učešće Vlade HNK u garancijskom fondu.

**II**

Novčana sredstva iz stava 2. tačke I ove Odluke raspodjeljuju se sljedećim programima:

<b>1. Transfer za poticaj razvoja, poduzetništva i obrta</b>	<b>200.000,00 KM</b>
1.1. Sredstva poticaja za obrtničke radnje i očuvanje tradicionalnih zanata	100.000,00 KM
1.2. Sredstva za bankovni garancijski fond	100.000,00 KM

**Ciljevi programa su:** podizanje stepena razvoja obrtništva i malog poduzetništva na osnovu ulaganja u zadržavanje postojećih, te otvaranje novih radnih mjesta i nabavku opreme, rad sa obnovljenim resursima, očuvanje starih i tradicionalnih zanata;

**Kriteriji za izbor programa su:** kvalitet ponuđenog projekta (programa), vrsta djelatnosti (proizvodno ili uslužno-proizvodna), starost obrta, ostvarena priznanja na sajmovima i izložbama, doprinos očuvanju kulturnog i istorijskog naslijeđa, povećanje zaposlenosti - objavljuju se javnim pozivom u „Službenim novinama HNK“;

**Korisnici programa su:** - pod rednim brojem 1.1.- obrtnici koji imaju otvoren obrt i zanatlije (tradicionalni zanati) i udruženja građana koji su na području HNK registrovani za obavljanje djelatnosti koje su predmet javnog poziva;

- pod rednim brojem 1.2.- udruženja i finansijske institucije koje omogućavaju kreditiranje subjekata male privrede, kroz posjedovanje garancijskih fondova, mogućnosti multiplikacije odobrenih sredstava, odobravanje povoljnih kamatnih stopa za klijente i pasivnih kamatnih stopa na deponovana sredstva, koja mogu

garantovati da će predstavnicima Ministarstva privrede HNK omogućiti učešće u postupku odabira korisnika za dodjelu kredita.

### III

Sredstva iz tačke II. ove Odluke će se raspoređivati prema kriterijima koji su posebno priloženi uz ovu Odluku, kao njen sastavni dio, a koji će biti preciznije razrađeni u javnom pozivu.

### IV

Izbor korisnika vrši stručna komisija koju imenuje kantonalni ministar privrede. Stručna komisija utvrđuje prijedlog korisnika na osnovu općih i posebnih kriterija utvrđenih ovom Odlukom i javnim pozivom koji se objavljuje u „Službenim novinama HNK“ i dva dnevna lista koja izlaze na području Federacije BiH.

Javni poziv za grant sredstva iz stava 2. tačke I ove Odluke raspisuje Ministarstvo privrede.

Rezultati javnog poziva iz stava 1. ove tačke objavljuju se u „Službenim novinama HNK“.

Komisija iz stava 1. ove tačke izrađuje Poslovnik o svome radu.

### V

Nadzor i provjeru namjenskog utroška sredstava vrši Ministarstvo privrede HNK, preko stručne komisije koja je učestvovala u utvrđivanju prijedloga korisnika. Ministarstvo privrede će podnijeti izvještaj Vladi HNK o utrošku sredstava.

### VI

Na prijedlog kantonalnog ministra privrede radi finansiranja kvalitetnih projekata, Vlada HNK može izvršiti preusmjerenje planiranih novčanih sredstava za pojedine programe, na druge programe iz tačke II ove Odluke.

Za svaki izdatak za programe iz tačke II ove Odluke kantonalni ministar privrede donosi posebnu odluku.

### VII

Za realizaciju ove Odluke zadužuju se Ministarstvo privrede i Ministarstvo finansija.

### VIII

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**VLADA**

Broj: 01-1-02-956/10  
Mostar, 25.5.2010. godine



**PREDSJEDNIK**

Srećko Boras

**KRITERIJI ZA OCJENU PROGRAMA  
I IZBOR KORISNIKA**

1.1. Sredstva se dodjeljuju korisnicima u rasponu od **2.000,00 KM - 6.000,00 KM** prema kriterijima:

- kvalitet projekta .....	30%
- stepen samofinansiranja.....	10%
- povećanje zaposlenosti, zapošljavanje mladih osoba i osoba sa posebnim potrebama .....	10%
- pružanje obuke za stručna zanimanja .....	10%
- čuvanje kulturnog i istorijskog nasljeđa .....	20%
- tradicija u vođenju obrta .....	20%
<hr/>	
	100%

1.2. Sredstva za bankovni garancijski fond u iznosu od **100.000,00 KM**

- posjedovanje garancijskog fonda .....	10%
- multiplikator (visina učešća aplikanta s vlastitim sredstvima u projektu .....	25%
- visina kamatne stope za klijente .....	25%
- pasivna kamatna stopa na deponovana sredstva .....	25%
- dio zajma za kojeg se garantuje (snošenje rizika) .....	10%
- učešće predstavnika Ministarstva privrede HNK u radu komisije za dodjelu kredita .....	5%
<hr/>	
	100%